

COMUNU DE PAULI ARBAREI
Provìntzia de su Campidanu de Mesu

VERBALI DE DELIBERATZIONI DE SA GIUNTA COMUNALI

N. 004 /2013 DE S'ARREGISTRU

OGETU : L. A. 31/84. CUNCESSIONI DE BUSSAS DE STÙDIU PO STUDIANIIS CHI ABITANT IS SCOLAS PÙBLICAS SEGUNDÀRIAS DE PRIMU E SEGUNDU GRADU CHI FAINT PARTI DE FAMILLIAS SBANTAXADAS – ANNU SCOLÀSTICU 2011/2012. INDIVIDUATZIONI DE IS CRITÈRIUS PO ASSINNAI SU BENEFÌTZIU DIRETIVAS A S'ARRESPUNSÀBILI DE S'ÀREA SÒTZIU CULTURALI.

S'annu duamillatrèixi su 15 de su mesi de gennàrgiu a is 13.00 in s'apostu de is atòbius de su Comunu, cunvocada in is maneras e cunforma a sa lei, s'est acorrada sa Giunta Comunali e funt bènnius:

		Presentis	Assentis
SÌNDIGU	CADAU EGIDIO	x	
ASSESSORIS	TRONCI FRANCESCO	x	
	ARROFFU GIANCARLO	x	
	MASALA GIAN LUIGI	x	
	CAU RAFFAELE	x	

cun s'assistèntzia de su Secretàriu Comunali Dot. Marco Marcello
Su Presidenti biu su nùmeru legali de is interbènnius, decrarat sa setziada aberta e ingunis

SA GIUNTA COMUNALI

Esaminada sa proposta de deliberatzioni de s'ogetu:

PROPOSTA DE DELIBERATZIONI CHI DDA AT PRESENTADA SU PRESIDENTI

BIU su Decretu Lgs. 18/08/2000 n. 267 "Scritu ùnicu de is leis apitzu de s'ordinamentu de is Entis Localis;

BIA sa L.A. 31/84 chi previdit comentis interbentu s'atributzioni de assinnus de stùdiu, po is studentis de is Scolas Pùblicas, is scolas paritàrias puru, chi faint parti de is famillias sbantaxadas;

SENDI CHI prevedeus a stantziai in su balanzu annu 2013 sa suma de € 1.500,00 po assinnai n. 8 bussas de stùdiu po is studentis chi abitant is Scolas Pùblicas, is scolas paritàrias puru, Segundàrias de I e II Gradu chi faint parti de is famillias sbantaxadas – Annu scolàsticu 2011/2012;

BIU chi arrechedit adotai critèrius de arrepartu po asinnai is bussas de stùdiu po is studentis chi abitant is Scolas Pùblicas, is scolas paritàrias puru, Segundàrias de I e II Gradu chi faint parti de is famillias in cunditionis econòmicas sbantaxadas – Annu scolàsticu 2011/2012;

ACHIRIU su parri favorèvoli de s'Arrespunsàbili de su Serbitziu Imparu Pùblicu, in òrdini a s'arregularidadi tènnica e de s'Arrespunsàbili de su Serbitziu Finanziàriu in òrdini a s'arregularidadi conàbili cunforma a s'art. 49 de su Decretu Lgs. n. 267/2000;

Proponit

DE DETERMINAI is critèrius sighendi po donai is bussas de stùdiu po is studiantis de is Scolas Segundàrias de I e II gradu chi faint parti de famillias sbantaxadas economicamnti e chi apant pigau una votazioni minima de s'acabu chi no siat prus pagu de su bonu o a su votu chi currispundit po sa scola segundària de I gradu e a sa mesana de 7 (chena dèpidus formativus) po sa segundària de II gradu:

A) PARTZIRI sa suma de € 1.500,00 diaici:

1- po is studiantis assentaus e abitendi s'a. s. 2012/2013 is crassis 2 – 3 – 4 – 5 de sa Scola Segundària de II gradu:

€ 300,00 po su primu in sa graduatòria;
€ 200,00 po su segundu in sa graduatòria;
€ 150,00 po su de tres in graduatòria;
€ 100,00 po su de cuàturu in graduatòria;

2. po is studiantis assentaus e abitendi in s'a.s. 2012/2013 is crassis 2 – 3 de sa Scola Segundària de I gradu e sa crassi 1 de sa Scola Segundària de II gradu:

€ 300,00 po su primu in sa graduatòria;
€ 200,00 po su segundu in sa graduatòria;
€ 150,00 po su de tres in graduatòria;
€ 100,00 po su de cuàturu in graduatòria;

B) STABILESSI chi potzant pigai patti a s'assinnadura de is bussas de stùdiu is studiantis chi faint parti de is famillias cun un'ISEE intra de 0 e € 20.000,00;

C) STABILESSI is puntus chi s'arreferint a su profilu scolàsticu:

1. Apretziamentu Scola Segundària de I Gradu:

Promotzioni pigada cun su giuditziu de (bogau se de arreligioni)	
Òtimu	9 puntus
Distintu	8 puntus
Bonu	7 puntus
Suficienti	ESCLÙDIU

2. Apretziamentu Scola Segundària de I o II Gradu:

Promotzioni cun votu mèdiu de (bogau su votu de arreligioni)	
De 7,00 a 7,25	5 puntus
7,26 a 7,50	6 puntus
7,51 a 7,75	7 puntus
7,76 a 8	8 puntus
8,01 a 8,25	9 puntus

8,26 a 8,50	10 puntus
8,51 a 8,75	11 puntus
8,76 a 9,00	12 puntus
9,01 a 9,25	13 puntus
9,26 a 9,50	14 puntus
9,51 a 9,75	15 puntus
9,76 a 10	16 puntus

D) STABILESSI is puntus chi s'ghint arreferendi-sì a comentu est cumposta sa famillia:

- Nùcleu de 2 personis	1 puntu
- " de 3 personis	1,5 puntus
- " de 4 personis	2 puntus
- " de 5 personis	2,5 puntus
- " de 6 personis	3 puntus
- " de 7 personis	3,5 puntus
- " de 8 personis	4 puntus

E) STABILESSI is puntus chi s'ghint arreferendi-sì a sa situatzioni ISEE:

Importu ISEE	
De € 0 a € 5.000,00	2
De € 5.000,01 a € 10.000,00	1
De € 10.000,01 a € 20.000,00	0

F) STABILESSI chi po is studiantis assentaus in su de 2 e su de 3 annus de sa scola secundària de I gradu, chi s'apretziamentu est in giuditziu, sa currispondèntzia intra de giuditziu e votu est definitiva, po cumbentzioni, apitzu de is paràmetrus s'ghendi:

Otimu	9
Distintu	8
Bonu	7
Suficienti	6
Mediocri - Insuficienti	5

Po is arrexonis de sa premissa

Proponit

ARRECONISCENDI chi is sumas chi manca no donaus ant a essi partzidas in percentuali uguali intra de is chi ndi pigant parti chi funt in sa graduatòria de arreferimentu.

ARRECONOSCENDI chi a puntus paris ant a pigai in cunsideru su balori de sa situatzioni econòmica de sa famillia (certificau ISEE inferiori prus calificau), e a paridadi de classificadura po

su balori ISEE ant a pigai in cunsideru su nùmeru de is cumponentis de su nùcleu familiari (sa prus categoria calificada at a essi sa chi currispundit a su nùmeru prus mannu de cumponentis) e chi nci at a essi torra unu pari, ant a fai a sortègiu.

DE DONAI a s'Arrespunsàbili de su Serbitziu Sòtziu-Culturali, is adempimentus chi ndi benint de s'adotzioni de custu àutu, prus chi totu at a depi fai:

- averigu chi totu is chi ndi tenint deretu siant informaus e postus in is cunditionis de ndi podi gosai de custu benefitziu;

- scriri is graduatòrias;

- donai is contributus a is chi ndi tenint su deretu.

ARRECONOSCENDI chi su gastu totali de € 1.500,00 ddu ant a ponni in s'interbentu 1040205 a su Cap. 6425/22 de su Balanzu chi funt faendi annu 2013.

De decrarai custu àutu esecutivu illuegus cunforma a s'art. 134 de su D.L.vu 267/2000.

SU CHI PROPONIT
Cadau Egidio

Parri Tènnicu: Cunfirmaus s'arregularidadi tènnica, cunforma a s'art. 49, come 1 de su D. Lgs.

18.08.2000, n. 267;

Amparadora Sotziali Rita Carta

Parri Contàbili : Cunfirmaus s'arregularidadi Contàbili, cunforma s'art. 49, coma 1 de su D. Lgs.

18.08.2000 n. 267;

Arrexoneri Vincenzo Garau

SA GIUNTA MUNITZIPIALI

Pigada sa proposta de deliberatzioni de s'epìgrafi cun is parris de arregularidadis Contàbili e Tènnica.

Cunsiderendi chi sa proposta est cunforma a is normas chi balint imoi apitzu de custu e duncas, chi merescit a dda aprovai

Cun votus a totòmini

DELÌBERAT

De pigai e aprovai, faendi integralmenti sua po dònna efetu de lei, sa proposta de deliberatzioni chi dda at proposta su Sindigu e spricada in premissa;

Arreconoscendi chi sa proposta de deliberatzioni de pitzus est parti intergradora de custu dispositivu deliberatòriu.

In d-una votatzioni partzida a totòmini decrarat custa esecutiva illuegus cunforma a s'art. 134, coma 4 de su D. Lgs. N 267 de su 18.08.2000.

Lìgiu, aprovaui e firmau

SU PRESIDENTI
CADAU EGIDIO – Sindigu

S'ASSESSORI BÈCIU

SU SECRETÀRIU COMUNALI

Tronci Francesco

Dr. Marco Marcello

Certificu chi custa deliberatzioni dda ant, in dii de oi, publicada in s'albu pretòriu informàticu de custu Comune (www.comune.pauliarbarei.vs.it/ServiziCittadino/AlboPretorio/) e at a abarrai in sa setzioni "Evidèntzia" po cuindixi diis. Apustis at a fai a dda agatai in sa setzioni "Deliberas" de cussu giassu etotu.

Pauli Arbarei, de su 21/01/2013

SU FUNZIONÀRIU INCARRIGAU
Dr. Marco Marcello